



Universitätsbibliothek Paderborn

**Carminvm Iacobi Albani Ghibbesii, Poetae Lavreati
Caesarei, Pars Lyrica**

Gibbes, James Alban

Romae, 1668

Ad Asbestvm Myrmidonvm Tetrarcham. Illius restitutionem victoris cum
insigni hostium clade commemorat. Ode III.

urn:nbn:de:hbz:466:1-13378

Pennaequè diues, quos in æuum
 Posteritas, pietasque voluet,
 Mentique tradet discere. Septimum
 Exit volumen; iure ter & quater
 Meretur affectare sedem
 Cum reliquis radianis Hœdi.

AD ASBESTVM MYRMIDONVM
 TETRARCHAM.

*Illius restitutionem victoris cum insigni hostium
 clade commemorat.*

O D E III.

R Espexit æquum lucidus arbiter
 Mundi iacentis, nunc domino bene
 Nouo subacti, nunc atroci
 Perfidiæ tolerantis hostem.
 Regem aut tyrannum bellicus arguit
 Plerumque finis. Ceù digito, Deus
 Mauorte commonstrat secundo,
 Cui dederit diadema iustum
 Astris amico. Clarus ades rei,
 Dictique testis, Myrmidonum potens,
 ASBESTE, rector: sic auitæ
 Imperium moderaris oræ.
 Tantus virorum, cornipedum pauor
 Stragesque fuso par erat agmine
 Depræliantum; te cohortes,
 Te patrios acuente Diuos.
 Hinc te lacefset noxius, ac tuam
 Impunè sortem nemo, periculis
 Edoctus horrendis benigno
 Sceptra capi revoluta cælo.